

XITATIMENDE XA VUHANGALASAMAHUNGU XA SARS

Tshwane, 2 Mhawuri 2023 – Vukorhokeri bya Xibalo bya Afrika-Dzonga (SARS) byi lemukile xitatimende lexi endliweke hi Ttn Julius Malema eka khomferense ya vuhangalasamahungu leyi ya ha ku hetisiwaka sweswinyana ya Economic Freedom Fighters (EFF). Xitatimende xi tiyisisa leswaku ku vi le na nhlengeletano exikarhi ka Phuresidente Cyril Ramaphosa na Khomixinara wa SARS Ttn Edward Kieswetter laha Phuresidente Ramaphosa a nga nyika Khomixinara Kieswetter xileriso xo lavisisa timhaka ta xibalo ta lava yeke no pfuneta Nhlengeleto ya Swakudya swo Lalela ya EFF leyi khomiweke hi ti 27 Mawuwani 2023.

Xitatimende xa namuntlha xi rhangeriwile hi xitatimende lexi endliweke hi Ttn Malema hi Muggqhivela eka rhali ya EFF leswaku SARS yi “karhata” ndyangu wa yena hi mbono wo lava ku kuma swihi na swihi leswi nga riki enawini ehenhla ka yena hi swikongomelo swo biha.

SARS a yi, tanihi mhaka ya endlelo ra masiku hinkwawo, veki vonelo eka switatimende ri endliweke mayelana na yona eka xivandla xa vandla ra tipolitiki. SARS hambiswiritano yi bohiwa hi ntirho ku humesa nhlamulo eka mhaka leyi. SARS yi ala hi matimba leswaku nhlengeletano yaleyo yi humelerile exikarhi ka Phuresidente Ramaphosa na Khomixinara.

Khomixinara Kieswetter hi mikarhi yo tala u swi vekile swi vonaka leswaku a ku va ngi na nkucetelo wihi kumbe wihi eka ntirho wa yena, kumbe loko ku ve a fanele ku nyikiwa swileriso leswi nga riki enawini hi n’watipolitiki, a ta tshika xivandla xa yena xa ntirho xikan’wekan’we, handle ka ku va a nyandza xihlambanyo xa hofisi ya yena. Khomixinara Kieswetter u tirhile a nga heli matimba ku aka SARS hi vuntshwa endzhakukaloko xi kongomisiwile hi vuntshwa hi vanhu ku yisa emahlweni xikongomelo xa vukungundzwana xo Lawuriwa ka Mfumo hi Swivandla swa le Tlhelo. Kwalaho u ta tirha ku sirhelela ntirho wa matimba wa vatirhi va SARS vo tlula 12500 ku tlula ku landzelela xikombelo xihl kumbe xihl lexi nga riki enawini. U tlhele a lemukisa mikarhi yo hlaya leswaku mutirhi wihi kumbe wihi wa SARS loyi a tekaka xileriso kumbe a kunguhataka na muhakelaxibalo wihi kumbe wihi u tshova nawu no langutana no hlongoriwa.

SARS yi navela ku tsundzuxa vaakitiko hinkwavo lava hlayisaka nawu mayelana na xiave xa nkoka lexi vulawuri bya xibalo byi xi tlangaka eka timhaka ta tiko hi ku hlengeleta xibalo ku aka Mfumo wa vuswikoti ku kota ku ololoxa mitlhontlhokulu ya vusweti, vupfumalantirho, nkandzinganano no tlakusa rihanyu ra vaaki va Afrika-Dzonga hinkwavo. Kwalaho yi hlohlotella vaaki hinkwavo va Afrika-Dzonga ku ala ku thyakisa xifaniso xa nhlango wa nkoka lowu nga na nkoka eka nhlayiso na nseketelo wa xidemokirasi xa hina. SARS yi tirha ntirho wa yona ku ya hi nawu, handle ka nchavo, tintswalo kumbe ringhohe. Xirho xihl kumbe xihl xa vaaki lexi lemukaka vatirhi va SARS lava tirhaka ehangle ka nawu va rhambiwa ku swi mangala eka nomboro yo mangala vuxisi kumbe hi ku kongoma eka Hofisi ya Khomixinara eka ooc@sars.gov.za.

Eka ku humelela ku ya emahlweni ka tiko, swi na nkoka hi ndlela ya nkajikajikisano leswaku mihlangano leyi tirhelaka vaakitiko no fambisa xileriso xa vumbiwa, yi tshikiwa yi tirha mitirho ya yona handle ka nghenelelo wa lowu nga fanelangiki wa tipolitiki.

Mayelana na vuxokoxoko byo engetelela, u komberiwa ku tihlanganisa na SARS eka
SARSMedia@sars.gov.za